



Vijeće Orijentalnog instituta

Broj: 02-1-44-394/25

Sarajevo, 05.12.2025. godine

ZAPISNIK

Sa 02. (2025) vanredne sjednice Vijeća Univerziteta u Sarajevu – Orijentalnog instituta, održane u petak, 05.12.2025. godine u Velikoj sali Instituta, s početkom u 10:00 sati.

Prisutni (11): Dr. Aladin Husić (predsjedavajući), dr. Adnan Kadrić, dr. Sabaheta Gačanin, dr. Amina Šiljak – Jesenković, dr. Dželila Babović, dr. Berin Bajrić, dr. Muamer Hodžić, dr. Madžida Mašić, dr. Aida Smailbegović, mr. Nihad Dostović, Amer Maslo, MA

Odsutni (3): Dr. Alma Omanović – Veladžić (opravdano), dr. Elma Korić (opravdano, bolovanje), Emina Mostić, MA (opravdano, plaćeno odsustvo).

Predsjedavajući Vijeća je konstatovao da postoji kvorum za održavanje sjednice.

Za sjednicu je jednoglasno usvojen predloženi Dnevni red sa 11 (jedanaest) glasova za, protiv i suzdržanih nije bilo.

DNEVNI RED

1. Izbori u zvanja

- a) Zapisnik sjednice Odjeljenja za orijentalnu filologiju od 03.12.2025. godine
- b) Zapisnik sa sjednice Odjeljenja za orijentalnu filologiju od 04.12.2025. godine
- c) Dopuna Potvrde Sekretarijata Instituta o pristiglim prijavama na konkurs za izbor u istraživačko zvanje stručni saradnik za oblast „Turkologija“ broj 01-1-7-3920/25 od 02.12.2025. godine
- d) Prijedlog Odluke o imenovanju Komisije za izbor u istraživačko zvanje stručni saradnik za oblast „Turkologija“

Tok sjednice

1. Izbori u zvanja

- U uvodnom dijelu, predsjedavajući Vijeća dr.sci. Husić najprije je dao pojašnjenja u vezi s nastalom situacijom koja se odnosi na naknadno pristiglu prijavu na konkurs za izbor u istraživačko zvanje stručni saradnik za oblast „Turkologija“. Već ranije je za 30. (2025) redovnu sjednicu Vijeća Instituta bio blagovremeno dostavljen materijal za sjednicu Vijeća na kojem se nalazio i materijal odnosno Potvrda o pristiglim prijavama kandidata, kao i prijedlog Odluke o imenovanju Komisije za izbor. U petak, 28.11.2025. godine, pristigla je još jedna prijava na navedeni konkurs, koja je imala uredan pečat prijema BH Pošte d.d. Sarajevo (20.11.2025. godine), ali je bila otvorena i oštećena koverta. Zbog sumnje u urednost pristigle prijave, a posebno uzimajući u obzir da je koverta sa prijavom stigla otvorena, Univerzitet u Sarajevu – Orijentalni institut proveo je postupak s ciljem zaštite zakonitog postupanja i nastavka konkursne procedure u

skladu sa Zakonom, te je odmah isti dan (28.11.2025. godine) upućen dopis BH Pošti d.d. Sarajevo u kojem su se tražila pojašnjenja, budući da je trebalo čak sedam dana da prijava bude uredno zaprimljena. Dana, 02.12.2025. godine zaprimljen je odgovor BH Pošte d.d. Sarajevo u kojem se navodi da je do kašnjenja s isporukom pošiljke (konkursne prijave) došlo iz razloga za koji se tereti dostavljač-radnik BH Pošte d.d. Sarajevo, te Institut ne može u tom smislu snositi bilo kakvu odgovornost. U istom odgovoru navodi se također da je prema izjavi radnika-dostavljača nesporno da je pošiljka uručena Institutu otvorena bez oštećenja i umanjenja sadržaja, ali da je do oštećenja došlo vjerovatno usljed manipulacije pri samoj obradi iste u skladištu. Kako su otklonjene navedene dileme, pristupili smo sljedećoj fazi, a to je u skladu s članom 29. Zakona o naučnoistraživačkoj djelatnosti, potvrđivanju blagovremenosti i potpunosti pristigle prijave, pa je u tom smislu dostavljena i Dopuna Potvrde Sekretarijata Instituta o pristiglim prijavama na konkurs za izbor u istraživačko zvanje stručni saradnik za oblast „Turkologija“ broj 01-1-7-3920/25 od 02.12.2025. godine, u kojoj se navodi da je i šesta prijava blagovremena (zaprimljena kod BH Pošte, 20.11.2025. godine) i potpuna u formalnom smislu.

Predsjedavajući Vijeća pročitao je priloge uz dnevni red za sjednicu koji su uredno dostavljeni Vijeću Instituta na uvid, a to su:

Prilozi:

- Službena Zabilješka broj: 01-7-383/25 od 28.11.2025. godine
- Obavijest o prijemu neuredne Pošte broj: 01-1-382/25 od 28.11.2025. godine
- Odgovor na obavijest o prijemu neuredne pošiljke broj: 10.2.45-5-27580-1/25 sl. od 02.12.2025. godine
- Fotografije događaja od 28.11.2025. godine
- Potvrda BH Post Expressa o prijemu pošiljke od 20.11.2025. godine
- Zapisnici sa tri sjednice Odjeljenja za orijentalnu filologiju (19.11.2025, 03.12.2025. godine i 04.12.2025. godine)
- Dopuna Potvrde broj: 01-1-7-376/25 od 24.11.2025. godine (01-1-7-390/25 od 02.12.2025. godine)
- Povlačenje predhodne saglasnosti za imenovanje u Komisiji za izbor u istraživačko zvanje stručni saradnik broj: 01-1-388/25 od 01.12.2025. godine

Prema Zapisniku Odjeljenja za Orijentalnu filologiju od 04.12.2025. godine članovi tog Odjeljenja su tražili poništenje konkursa.

Sekretar Instituta pojasnila je da u skladu sa Zakonom o naučnoistraživačkoj djelatnosti nije moguće poništiti konkurs, ali i da smatra da su otklonjene sve sumnje u zakonitost postupanja i da nema smetnji za nastavak konkursne procedure u skladu sa Zakonom, budući da su sve nejasnoće otkonjene na osnovu odgovora BH Pošte d.d. Sarajevo od 02.12.2025. godine.

S obzirom da je ranije predloženi član Komisije za izbor dr. Madžida Mašić povukla prethodnu saglasnost za članstvo u Komisiji, a Odjeljenje koje je predlagatelj nije dostavilo zamjenskog člana zbog prethodnog stava, predsjedavajući Vijeća Instituta predložio je redovnu profesoricu sa Katedre za orijentalnu filologiju Filozofskog fakulteta Univerziteta u Sarajevu, prof.dr. Alenu Čatović kao trećeg člana Komisije iz navedene oblasti.

Nakon otklanjanja pravnih dilema, pristupilo se izjašnjenju o donošenju Odluke o imenovanju Komisije za izbor stručnog saradnika za oblast „Turkologija“ sa 10 glasova za, 1 glas protiv kako slijedi:

Na osnovu člana 69. Zakona o visokom obrazovanju (Službene novine Kantona Sarajevo br. 36/22), člana 29. Zakona o naučnoistraživačkoj djelatnosti („Službene novine Kantona Sarajevo“, broj 26/16) i člana 113. Statuta Univerziteta u Sarajevu br. 01-14-35-1/23 od 26.7.2023. godine, Vijeće Univerziteta

u Sarajevu – Orijentalnog instituta je na 30. (2025) redovnoj sjednici Vijeća održanoj 05.12.2025. godine donijelo

**ODLUKU
O IMENOVANJU KOMISIJE ZA IZBOR
U ISTRAŽIVAČKO ZVANJE**

I

U Komisiju za izbor u istraživačko zvanje stručni saradnik za oblast “Turkologija” na Univerzitetu u Sarajevu - Orijentalnom institutu, imenuju se:

1. Dr. sci. Amina Šiljak - Jesenković, naučni savjetnik za oblast “Turski jezik i književnost” –predsjednik Komisije (Univerzitet u Sarajevu – Orijentalni institut)
2. Dr. sci. Adnan Kadrić, naučni savjetnik za oblast “Turski jezik i književnost” (Univerzitet u Sarajevu – Orijentalni institut) –član Komisije
3. Prof.dr. Alena Čatović, redovni profesor (na predmetima turski jezik i književnost), oblast: Humanističke nauke, Polje: Jezici i književnost (filologija), grana: Orijentalne i ostale filologije, turkologija (Univerzitet u Sarajevu – Filozofski fakultet) – član Komisije

II

Imenovana Komisija je dužna postupiti u skladu s članom 29. stav (7) Zakona o naučnoistraživačkoj djelatnosti (“Službene novine Kantona Sarajevo“, broj 26/16).

III

Odluka stupa na snagu danom donošenja.

Obrazloženje

Komisija iz tačke I ove Odluke je imenovana u skladu s članom 29. stav 3. i 4. Zakona o naučnoistraživačkoj djelatnosti (“Službene novine Kantona Sarajevo“, broj 26/16) i ima zadatak da, u skladu sa članom 29. Zakona o naučnoistraživačkoj djelatnosti (“Službene novine Kantona Sarajevo“, broj 26/16), Statutom Univerziteta u Sarajevu br. 01-14-35-1/23 od 26.7.2023. godine i čl. 24. Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu – Orijentalnom institutu br. 02-34-8-1-/24 od 10.12.2024. godine, provede konkursnu proceduru izbora u u istraživačko zvanje stručni saradnik za oblast “Turkologija”, a na osnovu konkursa koji je bio objavljen u dnevnom listu „Dnevni avaz“ i na web stranicama Univerziteta u Sarajevu i Univerziteta u Sarajevu – Orijentalnog instituta, dana 06.11.2025. godine.

Sjednica je završena u 11:15 sati.

Zapisnik vodila:

Mr. Vasija Kapo Mehmedović, sekretar Instituta

Predsjedavajući Vijeća Univerziteta u Sarajevu – Orijentalnog instituta

Dr. sci. Aladin Husić, naučni savjetnik

